

Sò di tè

Un paisolu di teghje grisge
Paisolu in core à tè
Dui vechjarelli pè ricordu
Ricordu daretu à tè
Un zitellucciu natu da tè
È tuttu nudu vicinu à tè
U mare chjaru cum'è i so ochji in fronte à tè
Tuttu ciò ch'o sò, sò di tè.

È po issu silenziu chì penciuleghja
Penciuleghja in capu à tè
Cum'è u puema natu una sera
Una sera in mente à tè
Un'isulone fattu da tè
Rivittulitu in faccia à tè
È un avvène ammaestratu in manu à tè
Tuttu ciò ch'o sò, sò di tè.